

Rapport annual 2022


Historikerinnennetzwerk Schweiz


Réseau suisse des historiennes

Rete svizzera delle storiche

Rait svizra d'istoricras

Swiss Network of Female Historians





Rapport annual 2022 da la Rait svizra d'istoricras


Suprastanza, schaner 2023

Salid e retrospectiva dal presidi

Dapi che nus duas essan vegnidas elegidas en il co-presidi a la radunanza generala il schaner 2021 avain nus pudì vesair cun gronda satisfacziun, co che numerusas plantinas delicatas han entschet a crescer dals schermigls plantads dapi l'onn 2019. Nossa uniun crescha vinavant, l'onn 2022 è vegnids vitiers 57 novas commembras*. Però surtut cuntinuain nus nossa lavur da colliaziun, vers anora entras l'intensivaziun da nossas colliaziuns cun autras uniuns impurtantas per il mund professional d'istorgia sco la Societad svizra d'istorgia, Infoclio e la Societad svizra per la perscrutaziun da las schlattainas. Nossa funcziun da rait para plinavant progressivamain a purtar fritg, cunquai che nus vegnin adina puspè supplitgadas da nossas commembras* da circular infurmaziuns. Nus ans legrain fitg da la nizzaivladad da nossa glista da mails, che è in instrument fitg simpel ma dovra il medem mument er fitg bler temp – Grazia fitgun en quest lieu ad Angela Wittwer, che administrescha la chascha da brevs dad e-mail da la rait! Per megliar las pussaivladads da barat tranter las commembras* lavurain nus vi dad in spazi da commembras* che duai bainbaud vegnir purtà a finiziun.

La rait viva natiralmain er da las occurrenz, entschet cun ils tavulins virtuals che pussibiliteschan discurs er sur las plattafurmas usitadas or. Nus ans legrain er dal success da las scuntradas da rait en il decurs dal onn 2022 a Basilea, Berna, Freiburg, Lausanne e Turitg, che reflecteschan l'interess da las* commembras* dal barat e dal sustegn vicendaivel tranter istoricras*. Nus giavischain che la rait sa sviluppa en moda decentrala, tenor ils giavischs, basegns e las sensibilitads localas, ed ans legrain adina zunt dad iniziativa da commembras* en quella direcziun.

En la suprastanza è entant gia las pliras activas il segund ubain perfin il terz onn, tge che ha purtà stabilitad en la lavur da suprastanza. En quest temp ans essan nus er tuttas vegnidas ad emprender d'enconuscher megliar. Dentant che nus n'ans avain pudì inscuntrar en persuna mai u prest mai durant il temp dal lockdown è si stà spezialmain bel, che nus avain pudì ans prender in'entira fin d'emna il mars 2022 per nossa emprima retratga da suprastanza, e tegnain dapi quai duas giadas l'onn nossas sesidas da suprastanza "offline".




In dals projects purtads da nossas gruppas da lavur fitg activas è quest onn vegnì a plaina fluriziun: Nus avain serrà giu il project "Survista 1971-2021" e publitgà ils resultats da l'enquista, che nus avevan manà tras per far in'analisa da la situaziun da las dunnas en l'istorgia da la Svizra – in tema che ha retschet spezialmain blera atenziun publica en l'onn da giubileum da 50 onns dal dretg da votar ed eleger da las dunnas. Cun l'enquista e las publicaziuns da blog avain nus sco rait vulì far ina contribuziun a quella debatta largia: cun dar a las istoricras* sezzas la pussaivladad, da documentar e partir lur impressiuns da quest onn. Nus ans legrain fitg da quest term impurtant e sperain, che nus possian cuntinuar questa e bleras autras discussiuns er en futur. En quel senn lavura la rait da preschent vi da l'avertura da novs spazis da discussiun. Bainbaud vegni a dar in podcast, en il qual las vuschs dad istoricras*, che èn activas en differents champs, duain vegnir apprezzadas.

Inspirà da las experientschas da success passadas da las dietas svizras d'istoricras avain nus l'atun 2022 plinavant prendì a maun il plan dad organisar ina "non-conferenza"/"reverse conference". Nus sperain dad uschia pudair crear in spazis da discussiun per istoricras*, che è pli liber e pli democratic che conferenzas convenziunalas, e da pussibilitar in barat tranter personas, che na vegnissan uschiglio betg ensemen. En quel project, ch'ans dat bler schlantsch, ristgain nus da siemiar dad ina cuminanza d'istoricras* pli inclusiva e pli pauc ierarchica, che pussibilitescha a tuttas* dad acquistar la savida istorica sco forza emancipatorica.

Claire Louise Blaser & Zoé Kergomard

Co-presidentas



Suprastanza rait d'istoricras 2022

Antonia Bertschinger

Claire Louise Blaser

Tiziana Bonetti

Melanie Burkhard

Anna de Quervain

Tamara Widmer

Angela Wittwer

Zoé Kergomard

Scuntradas da rait

Las scuntradas da rait, che nus avain l'entschatta anc numnà "aperos da rait", porschan dapi la fundaziun da la rait d'istoricras ina pussaivladad cun sava bassa per istoricras* da differents champs professiunals per s'emprender ad enconuscher, sa colliar e discutir ensemen. Sco en l'onn precedent avain nus era l'onn 2022 vinavant vuli organisar scuntradas da rait en citads svizras pli grondas. Entiras 10 scuntradas avain nus pudì realisar, er grazia a la collavuraziun motivada da commembras* da la rait en la Svizra franzosa. Duas scuntradas la primavaira a Berna ed a Turitg, durant las qualas nus avain cumbinà l'apero cun la visita en in'exposiziun istorica ed in gir istoric da la citad, han chattà spezialmain grond interess. Persuenter avain nus l'october stuì spustar duas scuntradas pervia d'ina mancanza d'annunzias. Nus essan tendidas, co ch'il format da las scuntradas da rait vegn a sa sviluppar vinavant e speranza er a sa cumprovar l'onn 2023.

03-05 Berna Visita guidada tras l'exposiziun "Alte Buchkunst - neue Medien" en la Bibliothek Münstergasse, suenter apero en la Lesbar

06-05 Turitg Gir da la citad cun Zürich Kolonial ed apero

12-05 Turitg apero en il Carambolage

04-08 Turitg apero en la Kleine Freiheit

18-08 Berna apero en l'Ô Bolles


07-09 Lausanne apero en La Bavaria

13-10 Berna apero en l'Ô Bolles

26-10 Fribourg apero en il Café Le Mondial

09-11 Turitg apero en la Kleine Freiheit

16-11 Lausanne apero en il Café Mozart 06.05. Zürich Stadtrundgang mit Zürich Kolonial



Retrospectiva | prospectiva GL Giubileum dal dretg da votar da las dunnas

La grupp da lavur ha la grond'onur da serrar giu quest onn in dals emprims projects da la rait, la "Survista 1971-2021", la quala nus avain lantschà l'onn 2021 en vista al giubileum da 50 onns dal dretg da votar da las dunnas en Svizra. Tranter la fin 2021 e l'entschatta 2022 avain nus lantschà in'enquista, en la quala i gieva per la posiziun da las dunnas* en la scienza istorica svizra (schebain en las structurass sco en l'istoriografia). Tiers quai avain nus organisà rundas da discussiun avertas online ils 13. ed ils 19. da schaner 2022, per discurre cuminaivlamain da questas dumondas. La primavaira 2022 avain nus evaluà las respostas e publictà ina seria da trais parts dad artigels en il blog davart ils resultats:

[Survista 1971-2021, part 1: Lavurar sco istoricra* en Svizra](#)

[Survista 1971-2021, part 2: Dunnas e lur schlattaina en l'istorgia da la Svizra](#)

[Aggiornamento Survista 1971-2021, part 3: Impressiuns dal giubileum da 50 onns dal dretg da votar da las dunnas en Svizra](#)

Nus sperain che questa lavur e las respostas ramassadas porschian tant ina valitaziun dal "2021" sco er in punct da referiment per quai ch'i dat anc da far en il futur. Cun agid da perditgas da pliras generaziuns dad istoricras* mussa nossa "survista" dad ina vart, quant che è vegnì cuntanschì en ils davos decennis. Da l'autra vart vegnan descrittas en detagl en bleras respostas las barrieras anc adina existentas sin la via a l'egualitad ed i vegn accentuà, quant impurtant ch'igl è dad avrir dapli pussaivladads da carriera per dunnas* sin tut ils nivels. Il medem mument mussa la bilantscha istoriografica e da memoria politica dal "2021", che las participantas* da nossa enquista sa giavischan dapli perspectivass intersecziunalas e sensiblas a la schlattaina, er sur l'istorgia da las dunnas e da las schlattainas en il senn stretg or.

Commembras: Claire Louise Blaser, Anna de Quervain, Zoé Kergomard, Tamara Widmer



Retrospectiva | prospectiva GL Tavulins

Dapi la mesadad dal 2021 ha la GL Tavulins sviluppà e realisà ideas dad event. L'onn 2022 èn vegnids realisads trais tavulins:

Dunnas en il museum! Barat dad experientschas enturn duas exposiziuns davart l'istorgia da las dunnas e da las schlattainas ils 13 d'avrigl 2022 (online) cun Diana Le Dinh, Claude-Alain Künzi, Lou-Salomé Heer, Bettina Stehli e Pauline Milani (moderaziun)

Co che modas da lavur digitalas midan noss mintgadi professional sco istoricras* (u er betg) ils 20 da zercladur 2022 (online) cun Christine Grundig, Mareike König e Zoé Kergomard (moderaziun)

Scriver istorgia – raquintar istorgias? Ils 22 da settember 2022 (online) cun Caroline Arni, Anna Leyrer ed Antonia Bertschinger / Angela Wittwer (moderaziun)

Nus planisain ulteriurs tavulins per l'onn 2023, tranter auter in discurs davart las (in-)egalitads en la cultura da discussiun scientifica ed in dialog davart la gistadad da las schlattainas en il mund academic per la primavaira 2023 che sa chatta en la fasa da planisaziun.


Commembras: Angela Wittwer, Zoé Kergomard

Retrospectiva | prospectiva GL Podcast

La GL Podcast è sa furmada l'onn 2021 da commembras da la suprastanza interessadas, per sviluppar in podcast che porscha ina plattform ad istoricras* en e da la Svizra per discurre da lur perscrutaziun, lavur e giavischs. Dapi lura ha la GL survegnì rinforz da pliras commembras* da la rait. Ensemen avain nus sviluppà in concept, in num ("Café des Historiennes") e la planisaziun dad in'emprima stafila en il decurs da l'onn 2022. L'october e november 2022 avain nus manà nossas emprimas intervistas, che nus planisain da publitgar en nossa emprima stafila l'entschatta 2023.

Commembras: Claire Louise Blaser, Nathalie Dahn-Singh, Lou-Salomé Heer, Tamara Widmer, Angela Wittwer

Commembras anteriuras e sortidas durant l'onn, a las qualaw nus vulain qua tras engraziar per lur engaschi: Claudia Luthiger



Retrospectiva | prospectiva GL Workshops

La GL Workshops ha realisà in workshop davart il tema blog l'onn 2022. Ils 25 da schaner hai dà ina introducziun online en il tema cun Britta Hermans e Celia Burgdorf da hypotheses.de, ils 18 da favrer è suandà il lavuratori da scriver. En pli ha la GL preparà in workshop davart il tema “cultura da discussiun inclusiva”, il qual vegn ad avair lieu en l'emprim mez onn dal 2023.

Commembas: Antonia Bertschinger, Zoé Kergomard


Retrospectiva | prospectiva GL Social Media

La GL Social Media è quest onn sa focusada surtut sin l'annunzia dals formats “scuntrada da rait”, “tavulins”, “workshops” ed ils novs artitgels da blog sin ils chanals Instagram, Facebook e Twitter. Sin Instagram avain nus dà in'invista en la suprastanza sco er la rait sezza entras la runda da preschentaziun da las dunnas da la suprastanza sco posts, sco er tras stories cun fotografias da las occurrenz. Nus postain en nossas stories er posts e stories da commembas* u dad autras instituziuns che sa fatschentan tematicamain e dal cuntegn cun finamiras sumegliantas. Facebook vegn duvrà surtut sco plattafurma per la reclama da nossas occurrenz. Twitter percunter ans na porscha betg be la pussaivladad da far reclama per nossas occurrenz, mabain er da vegnir en contact activamain cun commembas* ed instituziuns e dad extender vinavant nossa preschientscha online. Exprimì en dumbars avain nus pudì engrondir constantamain noss radius da recepziun dapi il schaner 2022, cun in augment da 650 a bain 900 suandadras* sin Twitter e da radund 300 a pli che 500 suandadras* sin Instagram.

L'onn 2023 vul la GL, premess ch'ella s'engrondeschia, amplifitgar e rinforzar sia collavuraziun cun auters chanals da las medias socials che represchentan noss desiderats, sco er planisar campagnas a pli lunga vista en connex cun occurrenz pli grondas e temas actuals.

Commembas: Claire Louise Blaser, Tamara Widmer

Commembas anteriuras e sortidas durant l'onn, a las qualas nus vulain qua tras engraziar per lur engaschi: Melanie Burkhard



Retrospectiva | prospectiva GL Blog

Cun il blog vulain nus porscher in spazi avert per istoricras*, en il qual ellas pon raquintar da resultats da perscrutaziun, ma er dad experientschas spezialas en la vita professiunala ed er exprimer opiniuns. Dapi il schaner 2022 ha la GL Blog accompagnà redacziunalmain quatter artitgels da blog ed als publità sin noss blog. Tar ils gronds projects da quel onn quintan en spezial la seria "Survista 1971-2021" cumparida en trais parts (guarda GL Giubileum dal dretg da votar da las dunnas). Ultra da quai han Rachel Huber (fundatura e co-presidenta enfin la fin 2021) e Zoé Kergomard (nova co-presidenta) discutà davart perspectivas per il futur da la rait en ina "passage de relais". Ulteriurs artitgels da blog èn anc en planisaziun. Suenter intginas midadas tschertga la GL mumentan novas commembras*, che vuessan gugent participar a la planisaziun e redacziun dad artitgels da blog. Plinavant essan nus adina en tschertga da personas, che vuessan gugent publitgar in artitgel da blog. Il blog s'offrescha sco plattafurma da publicaziun cun sava bassa ma tuttina bain lectorada per texts, che na correspundessan uschiglio betg al rom usità da la publicaziun scientifica. Per entusiasmar ulteriuras dunnas* per il blogar organisain nus ils 10 da mars 2023 in workshop a l'università da Berna cun la finamira da scriver artitgels da blog en cuminanza.


Commembras: Tiziana Bonetti, Nathalie Grunder, Zoé Kergomard

Commembras anteriuras e sortidas durant l'onn, a las qualas nus vulain qua tras engraziar per lur engaschi: Rachel Huber, Claudia Luthiger, Anna Leyrer

Pagina-web

La pagina-web è sa sviluppada vinavant l'onn 2022 – l'emprim en pitschens pass sco la nova pagina "gruppas da lavur" ubain il nov formular d'annunzia cun pussaivladads da participaziun. Il grond pass è suandà en la segunda mesadad da l'onn: Ensemen cun l'agenzia WeLoveYou avain nus gia prest sviluppà a fin il spazi da commembras* cun pussaivladads da colliaziun gia daditg planisà e la bursa da projects.

Webmasteras: Antonia Bertschinger, Tamara Widmer



Situaziun finanziaria e pled final dal post d'administraziun

Plain schlantsch e cun in'entira pluna dad inputs da la radunanza generala essan nus partidas en l'onn 2022. A la retratga da la suprastanza il mars avain nus reparti e surtut priorità las lavurs pendentas. Surtut en il champ dal post d'administraziun è il focus vegnì drizzà sin il svilup dad ina plattform da commembras* interna sin la pagina-web sco era sin il fundraising e la finanziaziun da questa plattform. Pertge nossa uniun è bain en il fratemp financialmain relativ stabla per chausas da mintgadi (181 commembras* la fin 2022), però tals projects da svilup vasts surpassan noss budget, che consista exclusivamain da contribuziuns da commembranza.

Tuts dus projects m'han occupà e han duvrà bler temp, ma stattan curt avant la finiziun. Las dumondas da fundraising èn vegnidas tramessas la fin da stad ed il spazi intern da la pagina-web pudain nus speranza preschentar a nossas commembras* a la radunanza da las commembras* 2023. Las colliaziuns tranter la pagina-web e nossa software d'uniun Webling creadas en il decurs dal svilup da la pagina-web am vegnan a simplifitgar massivamain la vita (respectivamain la facturaziun e l'emissiuon d'admoniziuns) en l'avegnir. Prender cun mai sco pendenza en l'onn 2023 stoss jau probabel la dumonda per liberaziun da taglia per nossa uniun.

Suenter che nus avain decidì la fin da l'onn passà da desister almain temporarmain dal post d'administraziun pajà da paucs pertschients, èn las lavurs classicas dal post d'administraziun quest onn sa repartidas sin differents chaus entaifer la suprastanza. En quest lieu grazia fitgun a tuttas che han regularmain guardà en la posta entrada, respundì ad e-mails e cultivà noss accounts en las medias socialas. Vus essas super e rendais vesavel, tge che nossa uniun presta ed organisescha tut. Er in grond merci a tuttas che han organisà, cunorganisà u visità occurrenz. Grazia a vus datti da raquintar insatge da nossas activitads. A vus èsi d'engraziar che la commembranza en la rait d'istoricas* vala la paina e che speranza anc bleras autras istoricas* pon vegnir persvasas dad ina commembranza. Pertge nus tuttas essan la rait svizra d'istoricas!

Anna de Quervain